



Termin putovanja:

25.04. – 04.05.2024.

10 dana – 9 noćenja

Prevoz: **Avion Turkish Airlines**

1.MAJ **IRAN**

KOLIJEVKA CIVILIZACIJE

Iran je poput dragulja s mnogo faceta, a svaki od njih sjaji na svoj način. Iran je zemlja koja odiše bogatom kulturnom baštinom, fascinantnom historijom i gostoljubivim ljudima. Njegova arhitektura, poput čuvenih iranskih dvoraca i džamija, svjedoči o dubokim korijenima civilizacije koja se proteže kroz stoljeća. Iran se možda ne čini kao uobičajena turistička destinacija i nije kao većina zemalja Bliskog istoka, jer hiljade godina uspona i pada civilizacija - Perzijanci, Parti, Safavidi - su otišli prije moderne nacije, a njihova slava i bogatstvo učinili su nešto kako bi usadili današnju zemlju s ponosom koja se naglo okreće u budućnost, ali se i dalje čvrsto drži svoje blistave prošlosti.

SVI IZLETI UKLJUČENI U CIJENU!!!

Cijena aranžmana za minimalno 25 prijava:

HOTELI	CIJENA ZA PRVIH 10 UPLATA	REDOVNA CIJENA
HOTELI 4 *	2699 KM	2999 KM

U CIJENU JE UKLJUČENO:

- Avio prevoz na relaciji Sarajevo - Shiraz via Istanbul; Teheran – Istanbul - Sarajevo
- **AERODROMSKE TAKSE!**
- Smještaj u 1/2 sobama na bazi 9 noćenja sa doručkom
- Transferi aerodrom - hotel - aerodrom
- Svi ostali transferi spomenuti u programu
- Pratilac grupe na 25 osoba
- Organizacija putovanja

U CIJENU NIJE UKLJUČENO:

- Putno – zdravstveno osiguranje
- Doplata za 1/1 sobu 550 KM
- Doplata za polupansion 250 KM
- Individualni troškovi
- Napojnice

USLOVI OTKAZA I NAČIN PLAĆANJA: Prilikom prijave za putovanje potrebno je uplatiti 40% ukupnog iznosa, a ostatak 20 dana prije početka putovanja. U slučaju aranžmana koji se odnose na daleke destinacije kao i za uplate po cijeni ranih rezervacija (Iran, Maroko, Oman, Umra...) prilikom prijave za putovanje potrebno je uplatiti 40% ukupnog iznosa, a ostatak 30 dana prije početka putovanja. Prijava na fakultativne izlete mora se izvršiti prilikom uplate ostatka od ukupnog iznosa putovanja. Prijava za putovanje vrijedi isključivo uz uplatu navedenog depozita. **Po uplati depozita primiti ćete račun koji je ujedno i ugovor o putovanju sa kojom prihvatate opće uslove putovanja turističke agencije AVIO EXPRESS TRAVEL..** Minimalan broj putnika za putovanje je 20. Ukoliko se na putovanje ne prijavi dovoljan broj putnika najkasnije 5 dana prije početka paket aranžmana putnička agencija je dužna obavijestiti putnika o doplati ili otkazu putovanja. Završne informacije telefonski dostavljamo 2 dana prije početka putovanja. Plaćanje može biti: 1) Avansno: a) gotovinom, b) uplatom na račun AVIO EXPRESS TRAVEL-a; 2) Putem administrativne zabrane sa firmama sa kojima AVIO EXPRESS TRAVEL ima potpisan ugovor. Cijene su validne za žiralo i gotovinsko plaćanje sa uračunatim popustom u iznosu od 5%. **STORNIRANJE PUTOVANJA:** Za otkaz 50 - 40 dana prije polaska: 30% storno troškova; 40-30 dana: 40% storno troškova; za 30-20 dana prije polaska: 50%; storno troškova: 20 - 0 dana prije polaska ili ne pojavljivanje zadržava se puni iznos – osim ako u programu drugacije nije navedeno. Ukoliko putnik prilikom prijave za putovanje predviđa da bi zbog nepredviđenih okolnosti morao otkazati putovanje, a u cilju izbjegavanja troškova odustajanja, tada može uplatiti osiguranje od otkaza. Osiguranje od otkaza naplaćuje se prilikom sklapanja Ugovora te ga nije moguće uplatiti naknadno. **OPŠTE NAPOMENE ZA PUTOVANJA:** Agencija zadržava pravo da, u slučaju izmjene cijene prijevoza, izmjene deviznog kursa, nedovoljnog broja prijavljenih putnika i slično, izmjeni cijenu putovanja za odgovarajući iznos. U okviru razgledanja gradova navedenih u programima putovanja, nisu predviđene posjete ni obilasci enterijera javnih građevina, institucija i spomenika kulture, osim kada je to posebno naznačeno. Usluge turističkog vodiča, turističkog pratioca, lokalnog turističkog vodiča ili lokalnog predstavnika organizatora, predviđene programom putovanja, ne podrazumjeva njihovo cjelodnevno i kontinuirano prisustvo, već samo kontakt i neophodnu-nužnu pomoć putniku, po unaprijed utvrđenim terminima periodičnog dežurstva, objavljenih na oglasnoj tabli ili na drugi prikladan način. Usmene i bilo koje druge vrste informacija, koje se razlikuju od onih koje su sadržane u pisanom programu putovanja ili posebnom pisanom ugovoru, ne obavezuju organizatora i ne mogu biti osnov za isticanje prigovora ili reklamacije. Minimum za realizaciju fakultativnog programa je 25 osoba. Organizator zadržava pravo promjene redoslijeda pojedinih sadržaja u programu. Kod autobuskih aranžmana predviđene su pauze radi usputnog odmora na oko 3-4 sata vožnje. Zaustavljanja su na usputnim stajalištima ili benzinskim pumpama, a u zavisnosti od uslova na putu i raspoloživosti kapaciteta stajališta. **KOD AVIO TURA MINIMALNA VALIDNOST PASOŠA MORA BITI 180 DANA OD DANA ULASKA U ZEMLJU.** Agencija nije odgovorna u slučaju pomjeranja predviđenog vremena polijetanja od strane avio-kompanije kao i kašnjenja aviona na jednom ili više redovnih ili charter letova u toku realizacije putovanja, organizator putovanja nema uticaja na eventualne posljedice izazvane kašnjenjem ili otkazom leta, izazvanim bilo kojim uzrokom, koji je van sfere uticaja organizatora, kao što su bezbjednosni razlozi, dozvole kontrole leta, vremenski uslovi, tehnički kvarovi i sl. već se primjenju važeći propisi i uzanse u avio prometu. Svaki putnik mora imati uplaćeno putničko zdravstveno osiguranje (vlastito ili uplaćeno putem agencije) bez obzira da li podliježe procesu viziranja BH pasoša ili ne. Organizator putovanja ne garantuje dobijanje vize.



KRATAK PREGLED PUTOVANJA:

1. DAN/ SARAJEVO - ISTANBUL - SHIRAZ

Ocupljanje grupe na Međunarodnom aerodromu Sarajevo dva sata prije leta. Let na relaciji Sarajevo – Istanbul na letu **TK1024** u **14:30** sati sa presjedanjem Istanbul – Shiraz na letu **TK884** u **20:45** sati. Planirano slijetanje u Shirazu je u **01:00** sati. Nakon slijetanja slijede pasoške i carinske kontrole te transfer do hotela. Check in u hotel. Noćenje u Shirazu.

2. DAN/ SHIRAZ

Doručak u hotelu. Nakon toga obilazak grada Shiraz. Shiraz je poznat svijetu kao „grad ruža“ ili „grad perzijskih vrtova“. To je čarobni raj na zemlji, jer upravo tu možemo osjetiti ljepotu jednog drevnog, tajanstvenog grada. Slijedi šetnja Vakil bazarom i džamijom, koja je izgrađena 1751.- 1773. godine, tokom perioda Zanda. Vakil znači regent, što je bila titula koju je koristio Karim Kan, osnivač dinastije Zand. Zatim slijedi posjeta Saraye Moshir bazaru, te obilazak džamije Nasir Almolq. Shiraz je dom poznatih pjesnika kao što su Hafiz i Sa-adi, te ćete imati priliku posjetiti njihove grobnice. Noćenje u Shirazu.

3. DAN/ SHIRAZ - YAZD

Doručak u hotelu, odjava. Polazak za Yazd preko Persopolisa. Persopolis je jedna od tri prijestolnice antičke Persije, koja je u poređenju sa ostale dvije najmlađa i definitivno najglamuroznija - mjesto gdje su carevi pravili zabave za veliki broj zvanica koje su trajale i po 2-3 mjeseca. Osim Persopolisa usputna pauza će se napraviti i u Necropolis-u, kao i u Pasargadae-u, nekadašnjem glavnom gradu Ahemenidskog carstva koji je danas arheološko nalazište i jedno od iranskih UNESCO-ovih mjesta svjetske baštine. Noćenje u Yazdu.

4. DAN/ YAZD

Doručak u hotelu. U Yazdu danas živi najveća zajednica zoroastrijaca u Iranu. Obilazak Jameh džamije, starog grada, te vrta Dowlatabad, autentični iranski vrt koji godišnje privuče hiljade domaćih i stranih turista. Ovo je kompleks izgrađen prema originalnom iranskom arhitektonskom stilu i sastoji se od velikog vrta i nekoliko zgrada. Zatim ćemo obići Alexander-ov zatvor, legendarno mjesto nazvano po Alexandru Velikom, koji je srušio Perzijsko carstvo oko 330 godine p.n.e. Misteriozno mjesto nalazi se u jednoj od starih četvrti Yazda, u središnjem Iranu. Nakon obilaska slijedi transfer do hotel. Noćenje u Yazdu.

5. DAN/ YAZD - ISFAHAN

Doručak u hotelu. Odjava. Nastavak putovanja prema Isfahan-u. Na putu slijedi posjeta prelijepom gradu Nain. Svratit ćemo do džamije Jame u Nain-u, koja predstavlja jednu od najstarijih džamija u Iranu, a grad Nain, u blizini Yazda, sam je jedan od najstarijih gradova u Iranu. Nastavak putovanja do Isfahana. Transfer do hotela. Noćenje u Isfahanu.

6. DAN/ ISFAHAN

Doručak u hotelu. Obilazak Imam trga koji je okružen strukturama različitih namjena i arhitektonskim stilovima, a zajedno s bazarom čini ogroman kompleks koji vrijedi istražiti. Ovaj trg je okružen s nekoliko različitih građevina, gdje Imam džamija predstavlja moć svećanstva, bazar moć trgovaca, a palača Al Qapu moć šaha. Zatim slijedi obilazak Sheikh Lotfollah džamije, koja se nalazi na istočnoj strani Imam trga i predstavlja remek dijelo iranske arhitekture koje je izgrađeno za vrijeme Safavidskog carstva, te Si-o-seh pol mosta, koji se sastoji od 33 luka i predstavlja najduži most na rijeci Zajande. Povratak u hotel. Noćenje u Isfahanu.

7. DAN/ ISFAHAN

Doručak u hotelu. Nastavak obilaska Isfahan-a. Danas posjećujemo Vank katedralu i Hasht Behesht. Hasht Behesht je prekrasna palača smještena u vrtu u Isfahanu. Izgrađena tokom vladavine Safavida, ova palača predstavlja iznimnu arhitekturu i umjetnost tog razdoblja. Vank katedrala predstavlja remek dijelo armenijske crkvene arhitekture, također sagrađena za vrijeme vladavine Safavida. Ono što je posebno interesantno kod Vank katedrale jeste spoj istočnjačkih i zapadnjačkih elemenata u arhitekturi katedrale. Transfer do hotela. Noćenje u Isfahanu.

8. DAN/ ISFAHAN - TEHERAN

Doručak u hotelu. Odjava. Polazak za Teheran preko Kashana. Slijedi obilazak historijske kuće Borujerdiha i Tabatabaeiha. Nakon toga slijedi obilazak Fin vrta, najstarijeg postojećeg vrta u Iranu, čija je izgradnja završena 1590. godine. Fin vrt sadrži veliki broj kanala, bazena i fontana u koje voda dolazi sa jednog izvora na padini iza vrta. Obilazak džamije Agha bozorg, jedne od najljepših džamija u Iranu koja datira iz perioda dinastije Qajar. Smještaj u hotel. Noćenje u Teheranu.

9. DAN/ TEHERAN

Doručak u hotelu. Nakon toga slijedi posjeta Nacionalnom muzeju Irana. Muzej se sastoji od dva kompleksa; Muzej starog Irana koji je otvoren 1937. godine i Muzej islamske ere koji je otvoren 1972. U njemu se nalaze historijski spomenici koji datiraju iz očuvanih antičkih i srednjovjekovnih iranskih antikviteta, uključujući posude od keramike, metalne predmete, ostatke tekstila i neke rijetke knjige i kovanice. Nakon toga, slijedi posjeta dvorcu Golestan, koji je jedan od najstarijih historijskih spomenika u Teheranu, te je dio UNESCO-ove svjetske baštine. Zatim slijedi šetnja Bazarom te obilazak iranskog muzeja tepiha. Smješten u Teheranu, pored parka Laleh, osnovan 1976. godine., iranski muzej tepiha izlaže razne perzijske tepihe iz cijelog Irana koji datiraju još od 16. stoljeća do danas. Povratak u hotel. Noćenje u Teheranu.

10. DAN/ TEHERAN - ISTANBUL - SARAJEVO

Check out iz hotela. Odlazak na aerodrom dva sata prije leta. Let na relaciji Teheran – Istanbul na letu **TK881** u **12:25** sati sa presjedanjem Istanbul – Sarajevo na letu **TK1025** u **19:00** sati. Dolazak je predviđen u Sarajevo u **19:55** sati. Sva vremena su lokalna.



Vaš pouzdan partner za putovanja,
Avio Express Travel!
033 / 560 – 300 / info@avioexpress.ba